



ulloq 29. juni 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Qanormita periarfissaqartigiva umiarsuaaqqamik Maniitsoq-mi angerlarsimaffilikkamik tunisassiorfinnit Kangaamiut, Atammik aammalu Napasoq saarullinnik tunisaanikunik assartuisinnissaanik?.**
- 2. Qanormita periarfissaqartigiva umiarsuaaqqamik Aasiaat-ni angerlarsimaffilikkamik tunisassiorfinnit Kangaatsiaq,- Niaqornaarsuk,- Ikerasaarsuk aammalu Attu saarullinnik tunisaanikunik assartuisinnissaanik?**
- 3. Qanormita periarfissaqartigiva umiarsuaaqqamik Uummannami angerlarsimaffilikkamik Uummannap nunaqarfiinit tunisassiorfinnit qaleralinnik tunisaanikunik assartuisinnissaanik?**
- 4. Qanormita periarfissaqartigiva umiarsuaaqqamik Upernavimmi angerlarsimaffilikkamik Upernaviup nunaqarfiinit qaleralinnik tunisaanikunik assartuisinnissaanik?**
- 5. Aasalernerani assartuinikkut aporfiusartut pinaveersaarniarlugit 2018-nimi aningaasanut inatsisissaq aqutigalugu nunaqarfinni tunisassiornikkut pitsanngorsaasoqarnissaanik qanoq takorluuisoqarpa?**
- 6. Aasalernerani assartuinikkut aporfiusartut pinaveersaarniarlugit 2018-nimi Royal Arctic Line A/S peqatigalugu inoqarfinni mikinerusuni akulikinnerusumik assartuisarnissaq anguniarlugu umiarsuaaqqat maanna talingaannartut atorluarnerisigut tunisassiorfinnit imaajaatituinnaq atorsinnaaneranut periarfissarsiussisoqarsinnaannginnerpa?**

(Inatsisartuni ilaasortaq Villy Olsvig, Inuit Ataqatigiit)

Tungavilersuutit:

Nunatta sineriassuani saarullit pisassiissutaasut aamma nunaqarfinni aalisarsinnaanissaanut periarfissaat pitsaanagerusumik aqutsisiunneqarsinnaasariaqarput.

Tassanilu umiarsuaaqqat nunaqarfinni assartuutaasimasut maanna talinngaan-naleqqasut atorluarnerisigut nunaqarfinni tunitsivilinni aalisartut tunisimasaasa assartorneqarsinnaaneranut aqutissiulluarneqarsinnaasariaqarluni.

Umiarsuaaqqat pineqartut tassaapput Angaju Ittuk, Aqqalu Ittuk, aammalu Anguteq Ittuk soorunalimi taakku tuniniarneqarsimanngippata imaluunniit al-latut siunnerfilerneqareersimanngippata.

Nunaqarfiit/inoqarfiit mikinerusut isumasioqatigiimmata peqataasut ilaat ilaattigut ima ersarittigisumik oqariartuuteqartoq tusarnaarninni tusarpara.

Nunaqarfitsinnut umiarsuaaraq ullut 14-nikkaarlugit tikittarpoq aalisartut ullut pingasut saarullinnik tunisisullu tunisassiorfik ulikkaartorluni matusarpoq, mattoqqasarlunilu assartuutip aallernissaata tungaanut, tassalu aalisartut aalisarsinnaagaluartut ullut isikkanillit tunisisinnaasarsimassanngillat.